



Na osnovu člana 2.9 stav (1) tačka 19. Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), a u skladu s članom 8. stav (1) i članom 10. Pravilnika o postupku imenovanja i razrješenja predsjednika i članova biračkih odbora u Bosni i Hercegovini ("Službeni glasnik BiH", br. 32/26 i 41/26), Centralna izborna komisija Bosne i Hercegovine raspisuje

JAVNI KONKURS

za prijavu kandidata za imenovanje predsjednika/zamjenika predsjednika biračkog odbora u osnovnim izbornim jedinicama u Bosni i Hercegovini

I. Opće napomene

Objavljuje se Javni konkurs za prijavu kandidata za imenovanje predsjednika/zamjenika predsjednika biračkog odbora u osnovnim izbornim jedinicama u Bosni i Hercegovini.

Kandidat za predsjednika/zamjenika predsjednika biračkog odbora ne smije biti član političke stranke niti obavljati dužnost u organima političke stranke, udruženja ili fondacije organizaciono ili finansijski povezanim s političkom strankom, niti smije biti uključen u bilo kakve aktivnosti političke stranke i mora biti u mogućnosti da obavlja svoje dužnosti na politički nepristrasan način.

II. Osnovne dužnosti i prava predsjednika /zamjenika predsjednika biračkog odbora

Predsjednik biračkog odbora:

- obavezan je pohađati obuku i testiranje koje organizuje Centralna izborna komisija Bosne i Hercegovine;
- rukovodi radom biračkoga odbora i zajedno s članovima biračkog odbora odgovara za zakonitost rada na biračkom mjestu;
- osigurava integritet procesa glasanja i održava mir i red na biračkom mjestu i u njegovoj okolini;
- određuje dužnosti svakom članu biračkoga odbora;
- popunjava sve potrebne obrasce;
- osigurava da na biračkom mjestu ne bude oružja ili opasnih predmeta;
- rješava sva pitanja koja se odnose na identifikaciju i pravo glasa birača;
- pomaže biračima kojima treba dodatno objašnjenje o procesu glasanja;
- evidentira u Zapisnik o radu biračkog odbora vrijeme i okolnosti svih izuzetnih događanja na biračkom mjestu.

Zamjenik predsjednika biračkog odbora ima iste dužnosti ako je predsjednik biračkog odbora odsutan prilikom glasanja i/ili brojanja glasačkih listića.

Predsjednik/zamjenik predsjednika biračkog odbora ima pravo na naknadu za svoj rad. Visinu naknade određuje Centralna izborna komisija Bosne i Hercegovine.

III. Uslovi koje kandidati moraju ispunjavati

Opći i posebni uslovi koje moraju ispunjavati kandidati:

Opći uslovi

1. Kandidat mora biti lice s pravom glasa tj. da je upisano u Centralni birački spisak Bosne i Hercegovine (da je starije od 18 godina, da je državljanin Bosne i Hercegovine i da ima prijavljeno prebivalište u Bosni i Hercegovini).
2. Da posjeduje zdravstvenu sposobnost za obavljanje poslova i radnih zadataka koji se traže Javnim konkursom.
3. Za predsjednika/zamjenika predsjednika biračkog odbora ne može biti imenovano lice:
 - koje se ne može kandidirati u smislu odredbi članova 1.6, 1.7 i 1.7a Izbornog zakona Bosne i Hercegovine;
 - koje je nosilac izabranog mandata ili je član izvršnog organa vlasti, osim u slučajevima kada je kandidat za predsjednika/zamjenika predsjednika osoba iz člana 2.12 stav (4) Izbornog zakona Bosne i Hercegovine;
 - koje je aktuelni kandidat ili je bio kandidat za bilo koji nivo vlasti na posljednjim Općim i posljednjim Lokalnim izborima;
 - kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke i
 - protiv kojeg je pokrenut krivični postupak.

Posebni uslovi

1. Da ima prebivalište u osnovnoj izbornoj jedinici za koju se imenuje birački odbor;
2. Da ima najmanje završenu srednju školu, odnosno IV ili V stepen stručne sprema (po mogućnosti da je student, apsolvent) ili da posjeduje VSS;
3. Da mu nije izrečena sankcija Centralne izborne komisije Bosne i Hercegovine u skladu s članom 2.3 stav 1. tačka 5. Izbornog zakona Bosne i Hercegovine.

IV. Potrebna dokumentacija

1. Prijava na Javni konkurs (popunjen propisani obrazac);
2. Vlastoručno potpisana i ovjerena od nadležne izborne komisije izjava kandidata da se na njega ne odnose odredbe člana 2.3. Izbornog zakona Bosne i Hercegovine. Izborna komisija zadržava original izjave, a fotokopiju uručuje kandidatu, koji je dužan istu skenirati i učitati u aplikaciju
3. Fotokopija diplome ili uvjerenja o završenom fakultetu, višoj i/ili srednjoj školi, odnosno potvrda visokoškolske ustanove o statusu studenta ili potvrda o zaposlenju u obrazovnoj ustanovi na poslovima edukatora.

V. Objava Javnog konkursa

Javni konkurs bit će objavljen na službenoj internetskoj stranici Centralne izborne komisije BiH, u tri dnevna lista, na društvenim mrežama Facebook, Instagram i platformi X na kojim Centralna izborna komisija BiH ima otvorene službene profile, na internetskim stranicama općina/gradova/distrikta odnosno općinskih/gradskih izbornih komisija/Izborne komisije Brčko Distrikta BiH, kao i na oglasnim pločama općina/gradova/distrikta.

VI. Rok i način podnošenje prijava

Javni konkurs je otvoren 15 (petnaest) dana od dana objave na internetskoj stranici Centralne izborne komisije BiH www.izbori.ba.

Prijave na Javni konkurs s potrebnim dokazima o ispunjavanju navedenih uslova dostavljaju se Centralnoj izbornoj komisiji BiH putem elektronske aplikacije „JAVNI KONKURS za imenovanje predsjednika/zamjenika predsjednika biračkog odbora u osnovnim izbornim jedinicama u Bosni i Hercegovini - jul 2026 (15.07.2026 - 30.07.2026)“ koja je dostupna na internetskoj stranici Centralne izborne komisije BiH www.izbori.ba.

VII. Postupanje sa prijavama

Neuredne, nepotpune i neblagovremene prijave neće se razmatrati.

Dokumentacija priložena uz prijavu na Javni konkurs neće se vraćati podnosiocima prijava.

VIII. Organ za provođenje postupka

Postupak imenovanja predsjednika i zamjenika predsjednika biračkog odbora provest će Centralna izborna komisija BiH po okončanju Javnog konkursa, u skladu s utvrđenom procedurom.

IX. Imenovanje predsjednika/zamjenika predsjednika biračkog odbora

Nakon isteka roka za objavu Javnog konkursa Centralna izborna komisija Bosne i Hercegovine će formirati Listu prijavljenih kandidata, koja uključuje podatke o blagovremenosti prijave, te o ispunjenosti općih i posebnih uvjeta.

Svi kandidati obavezni su pristupiti obuci i testiranju koje organizuje Centralna izborna komisija Bosne i Hercegovine.

X Ostale informacije

Za sve dodatne informacije zainteresirani kandidati mogu se obratiti putem kontakt-telefona Sekretarijata Centralne izborne komisije Bosne i Hercegovine na broj: 033/251-331 i 033/251-332.



Broj: 06-1-07-1-1159-3/26
Sarajevo, 15.07.2026. godine

Izborna komisija osnovne izborne jedinice - svi

PREDMET: Javni poziv za prijavu kandidata za predsjednike/zamjenike predsjednika biračkih odbora, dostavlja se

Centralna izborna komisija Bosne i Hercegovine je dana 15.07.2026. godine, objavila javni poziv za prijavu kandidata za predsjednike/zamjenike predsjednika biračkih odbora, koji će biti otvoren 15 dana, do 15.07.2026 -30.07.2026. godine. S tim u vezi potrebno je da izborne komisije izvrše sljedeće radnje:

- a) kreiraju saopštenje za javnost koji će objaviti na web stranici izborne komisije,
- b) postaviti navedeno saopštenje za javnost na svim mjestima predviđenim za plakatiranje u osnovnoj izbornoj jedinici, na ulazu u grad/općinu, u mjesnim zajednicama,
- c) proslijediti navedeno saopštenje za javnost lokalnim radio i tv kućama, koje budu željele da u svojim programskim šemama, objave to saopštenje,
- d) u dogovoru sa dekanima visokoškolskih ustanova, polijepiti navedeno saopštenje za javnost, na svim mjestima predviđenim za plakatiranje u tim ustanovama,
- e) u dogovoru sa odgovornim osobama u ambulancama, domovima zdravlja, apotekama i drugim zdravstvenim ustanovama polijepiti navedeno saopštenje za javnost na oglasnim tablama tih ustanova,
- f) provjeriti sa rukovodiocima javnih ustanova i preduzeća te polijepiti navedeno saopštenje za javnost na oglasnim tablama tih ustanova,
- g) sa rukovodiocima privatnih preduzeća, tržnih centara, restorana, ugostiteljskih objekata i svih drugih mjesta gdje se birači skupljaju, dogovoriti da se navedeno saopštenje za javnost izloži na oglasnim tablama ili na ulazima u te objekte,
- h) izborna komisija treba da, u okviru svojih mogućnosti, gostuje na što više mjesta na kojima se nalaze navedena saopštenja za javnost i promoviše poziciju predsjednika/zamjenika predsjednika biračkog odbora, kako bi se na javni poziv prijavio što veći broj birača.

Ističemo činjenicu da ima osnovnih izbornih jedinica u kojima nema dovoljan broj kandidata kako bi se imenovali predsjednici biračkog odbora, te izborne komisije u tim osnovnim izbornim jedinicama trebaju se dodatno angažovati kako bi se u ovom javnom pozivu prijavio dovoljan broj kandidata za predsjednika/zamjenika predsjednika biračkog odbora.

Nadalje, izborna komisija će biti u obavezi, da svim kandidatima koji se prijavljuju po javnom pozivu, ovjeri Izjavu o ispunjavanju uslova propisanih u članu 2.3 i 2.19 stav (2) Izbornog zakona Bosne i Hercegovine. Izjava kojom kandidati potvrđuju svojim potpisom da nisu politički aktivni. Nakon što kandidatu ovjeri Izjavu izborna komisija će istu kopirati i kopiju dati kandidatu kako bi uz ostale dokumente mogao skenirati i dostaviti Centralnoj izbornoj komisiji Bosne i Hercegovine putem aplikacije „JAVNI KONKURS za imenovanje predsjednika/zamjenika predsjednika biračkog odbora u osnovnim izbornim jedinicama u Bosni i Hercegovini - Juli 2026 (15.07.2026 - 30.07.2026)“, dok će original zadržati kod sebe do isteka roka po javnom pozivu za prijavu kandidata. Nakon toga će izborna komisija sve originalne izjave zajedno sa evidencijom preuzetih izjava dostaviti Centralnoj izbornoj komisiji Bosne i Hercegovine.

Ovim putem želimo istaći da je ovo veoma važan zadatak koji je postavljen pred Centralnu izbornu komisiju Bosne i Hercegovine i izborne komisije, te da od kvaliteta obavljenog posla umnogome će zavisiti kvalitet narednih izbora, zbog činjenice da prijavom većeg broja kandidata za pozicije predsjednika/zamjenika predsjednika biračkih odbora postoji veća mogućnost da se putem obuka izvrši selekcija kvalitetnog kadra.

S poštovanjem,

Dostaviti:

- Naslovu,

- a/a



Predsjednik

Jovan J. Jaba